



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 37. Legatorum rationes Pontifici propositæ.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI
A. C. 1562.

qui aliunde Pragam, ubi Bohemiæ Rex coronandus esset, solemniter peracturus contenderat. Insuper Legati eodem tempore datis ad Hispaniæ Regem literis eidem exponebant rationes, quibus permoti hucusque Synodi continuationem declarare omiserint.

§. XXXVI.

Lancianensis Archiepiscopus ad Papam a Legatis missus.

Postea Legati Leonardum Marinum Ord. S. Dominici quondam alumnus, ac Nobilem Venetum, & tunc Lancianensem Archiepiscopum ad Papam ablegabant, ut de vero rerum statu, atque angustiis, quibus premerentur, eundem certiores redderet. Verum publicæ fidei literas, quas huic Deputato dederunt, Simonetta Cardinalis signare recusabat, nisi idem privatas cujuslibet Legati literas secum deferret.

§. XXXVII.

Legatorum rationes Pontifici propositæ.

Pallav. l. 17.
c. 2. n. 1.
Et seq.
Sarpinus l. 6.
p. 498.

Cum falsus spargeretur rumor, quod Pontifex ob ingentes expensas, quæ in hunc conventum effundebantur, Concilium dissolvere vellet, atque aliunde Patres illud absolvere, vel saltem ad aliam

aliam Regionem transferre molirentur, hinc Leonardus Marinus summo Pontifici hæc exponere jubebatur: „cum Synodus duplici de caussa coaluerit, ut scilicet Ecclesiam ab hæresi purgaret, eamque in moribus reformaret, hinc sua Sanctitas ab incepto tam pio opere desistere non potest, antequam utrumque compleverit, nisi ob graves caussas, quæ dissolutionem suaderent, quales forent aut bellum, aut pestis, aut notabilis ciborum caritas; aliter enim timendum est, ne Nationes, quæ tam avide Concilium celebrari petierant, coactumque numero adeo frequens aspiciebant, ubi postea tenuis obtentu caussæ interruptum cernerent, aut sibi prospicerent per proprias nationum Synodos, aut illud prosequi sine Pontificiis legatis auderent, uti Basileæ accidit, cum gravi discrimine ingentis in Ecclesiam cladis: porro id non poterit contingere, nisi tantumdem ignominia in suam Sanctitatem redundet, quantum gloria ob Religionis studium, animique virtutem in eo cogendo eidem accesserat: ne igitur gravetur animo recolere, quam validis in eo casu rationibus cuncti, qui Apostolicæ Sedi perduelles sunt, provincias eidem hactenus obsequentes invaderent, ut illos ad schisma pariter

Sæcul. XVI.

A. C. 1562.

Pallav. n. 2.

Sæc. XVI.
A.C. 1562.

„ter sollicitarent, si forte iidem scientes, quonam vehementi desiderio omnes Orthodoxi hanc Synodum ad extirpandos errores, seque ab illis illæse servandos peterent, possent per aliquam veritatis speciem affirmare, quod Petri Successor nihil de ipsorum salute laboret, & in ejus æstimatione plus ponderis habeat tenuis ærarii sui sumptus, aut tenue suorum tribunalium incommodum, quam illorum exitium. Equidem sibi persuadent Legati, quod hæc omnia ex falsis Auditorum sermonibus, & non ex Pontificis voluntate Roma fuerint scripta: illi quoque Synodi Præsules, qui solutionem Concilii cupiebant, ut ad suas Diœceses remigrarent, studio Religionis impelluntur, sed non secundum scientiam, ut Apostolus loquitur, dum majorem de propriis, quam de Universali Ecclesia rationem habere non debuissent: ideo excusandi haud sunt, quod animarum jacturam in universa Christiana Republica corporum suorum incommodis posthaberent.

§. XXXVIII.

Præsidium rationes de non dissolvenda Synodo.

His